

**Қазақстан Республикасы Көлік және коммуникациялар министрінің 1999 жылғы 13 желтоқсандағы N 904-І бұйрығына өзгерістер мен толықтырулар енгізу туралы**

*Күшін жойған*

Қазақстан Республикасы Көлік және коммуникациялар министрінің 2001 жылғы 10 шілдедегі N 217-І бұйрығы. Қазақстан Республикасы Әділет министрлігінде 2001 жылғы 8 тамызда тіркелді. Тіркеу N 1618. Күші жойылды - ҚР Көлік және коммуникациялар министрінің 2005 жылғы 17 ақпандағы N 84-І (V053507) бұйрығымен.

Халықаралық автомобиль тасымалдауларын жүзеге асыру барысында қолданылатын рұқсат беру жүйесін жетілдіру мақсатында, **БҰЙЫРАМЫН** :

1. Қоса беріліп отырған, "Қазақстан Республикасында халықаралық автомобиль тасымалдауларын жүзеге асыру барысында қолданылатын рұқсат беру жүйесі жөніндегі ережелерді бекіту туралы" Қазақстан Республикасы Көлік және коммуникациялар министрінің 1999 жылғы 13 желтоқсандағы N 904-І бұйрығына (Қазақстан Республикасының Әділет министрлігінде 2000 жылғы 18 қаңтарда N 1027 тіркелген) енгізілетін өзгерістер мен толықтырулар бекітілсін.

2. Қазақстан Республикасы Көлік және коммуникациялар министрінің Көліктік бақылау комитеті (Е.Ш. Қалқабаев) осы бұйрықты заңнамамен бекітілген тәртіппен Қазақстан Республикасының Әділет министрлігіне мемлекеттік тіркеу үшін ұсынсын.

3. Осы бұйрықтың орындалуын бақылау Көлік және коммуникациялар бірінші вице-Министрі Қ.Қ. Жақыповқа жүктелсін.

4. Осы бұйрық Қазақстан Республикасының Әділет министрлігінде мемлекеттік тіркелу күнінен бастап күшіне енеді.

Министр

Қ а з а қ с т а н      Р е с п у б л и к а с ы

К ө л і к      ж әне      к о м м у н и к а ц и я л а р      м и н и с т р і н і ң

2 0 0 1      ж ы л ғ ы      1 0      ш і л д е д е г і

N 217-І бұйрығымен бекітілген

"Қазақстан Республикасында халықаралық автомобиль тасымалдауларын жүзеге асыру барысында қолданылатын рұқсат беру жүйесі жөніндегі Ережелерді бекіту туралы"

Қазақстан Республикасы Көлік және коммуникациялар министрінің 1999 жылғы 13 желтоқсандағы N 904-I бұйрығына өзгерістер мен толықтырулар

Аталған бұйрықпен бекітілген Қазақстан Республикасында халықаралық автомобиль тасымалдауларын жүзеге асыру барысында қолданылатын рұқсат беру жүйесі жөніндегі Ережелерде (бұдан әрі - Ереже):

2-тармақ мына мазмұндағы 6), 7) тармақшалармен толықтырылсын:

"6) тұрақты жолаушы тасымалы - тасымалдың бастапқы және соңғы бекеттерін, автобустар және бағдарлық таксилердің қозғалысының тоқтау бекеттерін және олардың қозғалыс кестесін көрсете отырып алдын-ала келісілген жол бағдарлары бойынша тасымал;

7) тұрақты емес жолаушы тасымалы - тасымалдаушылар мен жай және заңды тұлғалар арасындағы, аралық бекеттерде жолаушыларды отырғызбай, бір реттік тасымалдау негізінде орындалатын тасымалдар. Бұл ретте автобустармен бағдардың барлық ұзақтығында жолаушылардың бір ғана тобын жөнелту бекетіне жеткізіледі немесе, дербес құрамы өзгеріссіз қалатын жолаушылар тобы автокөлік құралының тіркелу мемлекетінен басқа мемлекетке тасымалданады, ал автокөлік құралы жолаушыларсыз қайтады.";

5-тармақ екінші абзацтан кейін мына мазмұндағы абзацпен толықтырылсын:

"Үшінші елдерге/ден жүк тасымалын жүзеге асыру кезінде, әрбір тасымалға шетел автокөлік құралының үшінші елден Қазақстан Республикасының аумағына немесе Қазақстан Республикасының аумағынан үшінші елге жүк тасымалына құқық беретін жеке рұқсат берілуге тиіс.";

7-тармақ "Қазақстан Республикасының" сөздерінен кейін ", егер Қазақстан Республикасының заңнамасымен және Қазақстан Республикасы бекіткен халықаралық келісімдермен басқасы көрсетілмесе," сөздерімен толықтырылсын;

9-тармақ мына редакцияда жазылсын:

"9. Шетел автокөлік құралдарының жүргізушілерінің, жүктерге еріп жүруші немесе жолаушылар ретінде жол жүруші тұлғалардың Қазақстан Республикасының аумағында болуы "Шетел азаматтарының Қазақстан Республикасында болуын құқықтық реттеудің жекелеген мәселелері" Қазақстан Республикасы Үкіметінің 2000 жылғы 28 қаңтардағы N 136 қаулысымен бекітілген, Шетел азаматтарының Қазақстан Республикасына келуінің және болуының, сондай-ақ олардың Қазақстан Республикасынан кетуінің тәртібімен р е т т е л е д і . "

12-тармақтың бірінші абзацында "Комитет" деген сөзден кейін "және оның Аумақтық Көліктік бақылау басқармалары" сөздерімен толықтырылсын;

13-тармақ мына мазмұндағы сөйлеммен толықтырылсын:

"Шетелдік тасымалдаушы транзиттік жол жүруді жүзеге асырған жағдайда, оның болу мерзімі, тура бағытта және кері бағытта жүру кезіндегі Қазақстан Республикасының аумағында нақты болу уақыты болып табылады.";

16-тармақ мына мазмұндағы 16-1 тармағымен толықтырылсын:

"16-1. Қазақстан Республикасы мен шетел мемлекеттері арасында автобустармен жолаушыларды тасымалдау Келісімдерде ескерілген шарттарға сәйкес жүзеге асырылады."

Тұрақты тасымалды ұйымдастыру жөніндегі ұсыныстар Келісуші Жақтардың құзыретті органдарымен бір-біріне алдын ала беріледі. Келісуші Жақтардың құзыретті органдары жүру бағдарларын, қозғалыс кестелерін, қолданылатын тарифтерді, тасымалдаушы жолаушыларды отырғызуды және немесе түсіруді жүзеге асыруға тиісті тоқтау бекеттерін, сондай-ақ осы бағдарда жолаушы тасымалдарын жүзеге асыру мерзімдерін келіседі.

Тұрақты жолаушы тасымалдарын жүзеге асыру кезінде тасымалдаушы қызмет көрсетуге сәйкесінше шарт жасай отырып, халықаралық қатынастағы автобустардың автовокзалға (автостанцияға) келуін және кетуін міндетті түрде қамтамасыз етуге тиіс.

Тұрақты емес жолаушы тасымалдарын автобустармен жүзеге асыру кезінде Басқармамен расталған жолаушылардың тізімі бар болуы қажет.";

20-тармақтың бірінші абзацы мына редакцияда жазылсын:

"20. Рұқсат бланкілерін беру Қазақстан Республикасының аумағы бойынша көлік құралдарының жүріп өтуі үшін алымды төлегеннен кейін жүзеге асырылады." ;

26-тармақта "таратуды және" сөздері алынып тасталсын;

27-тармақта "Басқармалармен" сөзі "Комитетпен" сөзімен ауыстырылсын;

28-тармақ мына редакцияда жазылсын:

"28. Қазақстан Республикасы мен Қытай Халық Республикасы арасында жолаушылар мен жүктерді халықаралық тасымалдауды тұрақты жүзеге асыруға рұқсат бланкілері, тұрақты халықаралық автобус бағытына қызмет етуге құқылы қолында келісімі, құзыретті органдармен келісілген жүру бағытының сұлбасы, жүру кестесі, тарифтері, жолаушыларды отырғызуды және (немесе) түсіруді жүзеге асыруға тиісті тоқтау бекеттері, сондай-ақ тасымалдауды орындаудың белгіленген мерзімі бар тасымалдаушыларға беріледі.";

30-тармақ мына мазмұндағы 5) тармақшамен толықтырылсын:

"5) бұрын алынған, пайдаланылған рұқсаттарды қайтармауы.";

32-тармақ мына мазмұндағы тармақшамен толықтырылсын:

"Бұл ретте бланкінің сәйкес графаларына тасымалдаушының атауы мен оның толық мекен-жайы жазылады." ;

38 - тармақта :

алтыншы абзац "оны беру орны бойынша" сөздерінен кейін "немесе түзетілген жазбалардың расталмауынсыз" сөздерімен толықтырылсын;  
мына мазмұндағы сөйлеммен толықтырылсын:

"Рұқсат бланкілерінде түзету жазбалары Басқарманың мөрімен расталады."

40-тармақ мына мазмұндағы екінші абзацпен толықтырылсын:

"Қазақстандық тасымалдаушылар пайдаланған шетел рұқсат бланкілері оларды беру орны бойынша Басқармаларға міндетті тапсырылуға жатады.";

4-бөлімнің атауындағы "салмақты" сөзі "көліктік" сөзімен ауыстырылсын;

4 2 - т а р м а қ т а :

бірінші абзацта "салмақ бақылау бекетінің (СББ)" сөздері "көліктік бақылау бекеті (КББ)" сөздерімен және әрі қарай мәтін бойынша "СББ" сөзі "КББ" сөзімен ауыстырылсын;

1)-тармақша "тахографтың немесе жүргізушілердің еңбек және демалыс режимін есепке алуды тіркеу парағын" сөздерімен толықтырылсын;

мына мазмұндағы 42-1, 42-2 тармақтармен толықтырылсын:

"42-1. Жолаушыларды тұрақты тасымалдау кезінде КББ қызметкері:

автокөліктегі құзыретті органның мөрімен расталған (шетелдік тасымалдаушылар үшін аталған құжаттар Қазақстан Республикасының Көлік және коммуникациялар министрлігінің бланкісінде ресімделеді және оның мөрімен расталады, ал отандық тасымалдаушылар үшін бағыты оның аумағы бойынша өтетін мемлекеттің құзыретті органы растайды) жолаушыларды осы бағыт бойынша тасымалдау куәлігін не оның рұқсат көшірмесінің түпнұсқасының;

бағыты оның аумағы бойынша өтетін мемлекеттің құзыретті органымен келісілген осы бағыт бойынша қозғалыс кестесінің (автобустың салонында) түпнұсқасы немесе көшірмесінің;

бағыты олардың аумағы бойынша өтетін мемлекеттердің құзыретті органдарымен келісілген шекара өткелдерін көрсете отырып (автобустың салонында) бағыт сұлбасының бар болуын тексереді.

42-2. Жолаушыларды тұрақты емес тасымалдау кезінде КББ қызметкері:

халықаралық автомобиль тасымалдарын жүзеге асыруға құқық беретін (шетелдік тасымалдаушыларда - егер олардың ішкі заңнамасымен ескерілген болса), есептік құжаттардың (лицензиялардың);

егер Келісіммен ескерілген болса, Қазақстан Республикасының аумағы бойынша жол жүруге рұқсаттың;

Басқармамен расталған жолаушылардың тізімінің;

шетел автокөлік құралының кіруін (рұқсатсыз жүйе қолданылатын мемлекеттердің тасымалдаушылары үшін) тіркеу талонының бар болуын тексереді." ;

43-тармақтың 2-тармақшасында "автопоездың нақты массасы арнайы рұқсатта көрсетілгеннен аспаса" сөздерімен толықтырылсын;

44-тармақ мына редакцияда жазылсын:

"44. КББ қызметкері автокөлік құралдарының жол жүру бұзушылықтары туралы және оның Қазақстан Республикасының заңнамасына сәйкес қолданған шаралары туралы жоғары тұрған басшылыққа белгіленген тәртіппен хабарлауға м і н д е т т і . " ;

46-тармақтың үшінші абзацы алынып тасталсын;  
ереженің 1 - қ о с ы м ш а с ы н д а :

"1-Р" сөздері "АВТО-3" сөздерімен ауыстырылсын;  
ереженің 2 - қ о с ы м ш а с ы н д а :

кестені үшінші бағаннан кейін "Жүктердің атауы және тасымалдау көлемі" төртінші бағанымен толықтырылсын;

4, 5, 6, 7 бағаналарды 5, 6, 7, 8 бағаналарға сәйкес санау.